


კავკასიის ეკონომიკის ყოველთვიური  
მიმოხილვა  
აპრილი 2024





## ეკონომიკური ზრდა



წინასწარი მონაცემებით, 2023 წელს კავკასიის ეკონომიკის ზრდა 4.4%-ია. 2022 წელს კავკასიის ეკონომიკური ზრდა 7.8%-ს აღწევდა. გასულ წელს ეკონომიკური ზრდის ტემპის კლება რუსეთიდან ადამიანური და ფინანსური კაპიტალის ნაკადების შემცირებასა და წინა წელთან შედარებით, ნავთობის დაბალ ფასებს უკავშირდება. მიმდინარე წლის იანვარ-თებერვალში ზრდამ 7.3% შეადგინა.


წინასწარი მონაცემებით, გასულ წელს საქართველოს ეკონომიკა 7%-ით გაიზარდა. მიმდინარე წლის იანვარ-თებერვალში ეკონომიკის ზრდამ 7.7% შეადგინა. ზრდაში მნიშვნელოვანი წვლილი მრეწველობის, მშენებლობის, ტელეკომუნიკაციების და ტრანსპორტის სექტორებმა შეიტანა. კლების ტენდენცია ენერჯეტიკის სფეროში დაფიქსირდა.

კავკასიის რეგიონში ზრდის ყველაზე მაღალი ტემპით სომხეთი გამოირჩევა. გასულ წელს სომხეთის ეკონომიკა 9.4%-ით გაიზარდა. 2024 წლის იანვარ-თებერვალში, წინა წლის იმავე პერიოდთან შედარებით, ეკონომიკა 13.6%-ით გაფართოვდა. სომხეთის ეკონომიკურ ზრდაში განსაკუთრებული წვლილი სავაჭრო სექტორს აქვს, რომელმაც ამ პერიოდში 24.1%-ით მოიმატა, ხოლო სამშენებლო დარგმა კი - 10.8% -ით.

რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წლის განმავლობაში აზერბაიჯანის ეკონომიკა 1.1%-ით გაიზარდა. მიმდინარე წლის იანვარ-თებერვალში ზრდამ 5% შეადგინა. აზერბაიჯანის ეკონომიკის 36.2% ნავთობისა და გაზის ინდუსტრიას უკავია. ამ ინდუსტრიის გარეშე, ზრდის ტემპმა 10.1% შეადგინა.



## ინფლაცია და მონეტარული პოლიტიკა



**ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო შედარებით მაღალი ფასების დონის ზრდა საქართველოში დაფიქსირდა.**

✚ საქართველოში 2023 წელს ინფლაციის ტემპი, წინა წელთან შედარებით, შემცირდა. 2024 წლის მარტში სამომხმარებლო ფასების წლიურმა ზრდამ 0.5% შეადგინა. მარტის ინფლაციაში მაღალი წვლილი ტრანსპორტის ფასებმა შეიტანა, რომელიც 8.1% - ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, სურსათის ფასები ყველაზე მეტით, 3.4%-ით შემცირდა. ამ ფონზე, ცენტრალურმა ბანკმა ბოლო გადაწყვეტილებით რეფინანსირების განაკვეთი 8.25%-მდე შეამცირა.

🇷🇺 რეგიონში ფასების დინამიკით სომხეთი გამოირჩევა. მიმდინარე წლის მარტში სამომხმარებლო ფასების წლიური კლება 1.2% იყო. ყველაზე მაღალი, 9%- იანი ზრდა ტრანსპორტის სექტორში დაფიქსირდა, ხოლო 5.6%-იანი კლება სურსათის ფასებზე. ეს კი სამომხმარებლო ფასების ძირითადი ნაწილია. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 8.5%-მდე შემცირდა.

🇦🇷 აზერბაიჯანში ინფლაცია დასტაბილურდა. 2024 წლის მარტში სამომხმარებლო ფასების წლიურმა ზრდამ 0.4% შეადგინა. თებერვალში ინფლაცია 0.8% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. მარტში მიღებული გადაწყვეტილებით პოლიტიკის განაკვეთი 7.5%-მდე შემცირდა.